



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA BORARO (P3)

NGWANAITSEELE 2021

MADUO: 100

NAKO: Diura di le 3

Pampiri e, e na le ditsebe di le 6.

DITAELO LE TSHEDIMOSETO

1. Pampiri e, e arogantswe ka DIKAROLO di le PEDI.

KAROLO YA A: Tlhamo (50)
KAROLO YA B: Ditlhangwa tsa tirisano (2 x 25) (50)

ELA TLHOKO: O tshwanetse go araba dipotso di le PEDI go tswa mo KAROLONG YA B.
2. Araba potso e le NNGWE go tswa mo go KAROLO YA A le di le PEDI go tswa mo go KAROLO YA B.
3. Kwala ka puo e o tthatlhobiwang ka yona.
4. Simolola KAROLO NNGWE le NNGWE mo tsebeng e NTŠHWA.
5. O tshwanetse go rulaganya (sk. letlhomeso la dikakanyo/lenaneopaakanyo/mmapa wa dikakanyo/dintlhakgolo, jj), runa (tseleganya) o be o tlotlhe tiro ya gago diphoso. Thulaganyo e tshwanetse go tlhagelela PELE ga tlhamo.
6. Ipaakanyo kana setlhangwa sa ntlha se supuwe jalo ka botlalo. O gakololwa go thala mola go kgabaganya ipaakanyo kana setlhangwa sa ntlha.
7. O gakololwa go dirisa nako ya gago ka mokgwa o o latelang:

KAROLO YA A: Metsotso e le 100
KAROLO YA B: Metsotso e le (2 x 40) 80
8. Nomora dikarabo ka nepagalo go latela thulaganyo ya dinomoro e e dirisitsweng mo pampiring ya dipotso.
9. O se ka wa tsenyeletsa setlhogo fa o bala mafoko.
10. Kwala ka mokwalo o o buisegang le ka mopeleto o o kannweng ke Lekgotla la Bosetšhaba la Puo ya Setswana.

KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 400–450 ka NNGWE FELA ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo se se maleba. O se ka wa lebala go thala letlhomeso kana lenaneopaakanyo, go tlhagisa setlhangwa sa ntlha le go se runa pele o kwala sa bofelo.

- 1.1 Motsotso o o neng wa fetola botshelo jwa me. [50]
- 1.2 Letsatsi lwa ntlha ke kopana le rre. [50]
- 1.3 Fa letsatsi la lenyalo la me le ka nna monongwaga ... [50]
- 1.4 A go fepiwa ga barutwana kwa dikolong go botlhokwa? [50]
- 1.5 Basadi ke baeteledipele ba tlhotlhwa. Dumela kgotsa o ganetse. [50]
- 1.6 O se bone nong go rakalala godimo, go ya tlase ke ga yona. [50]
- 1.7 Ditshwantsho tse di tlhagelelang mo ditsebeng tsa 3 le 4 di ka tsosa maikutlo kgotsa tsibogo e e rileng. Tlhophisa setshwantsho se le SENGWE, mme o kwale tlhamo ka ga sona. Neela tlhamo ya gago setlhogo se se maleba. Nomora potso ya gago go nna 1.7.1 kgotsa 1.7.2

ELA TLHOKO: Diteng tsa tlhamo ya gago di tshwanetse go nyalana le setshwantsho se o se tlhophileng.

1.7.1



[Se nopotswe go tswa mo inthaneteng]

[50]

1.7.2



[Se nopotswe go tswa mo inthaneteng]

[50]

PALOGOTLHE YA KAROLO YA A:

50

KAROLO YA B: DITLHANGWA TSA TIRISANO**POTSO 2**

Araba dipotso di le PEDI mo karolong e. Karabo e nne boleele jwa mafoko a a ka nnang 180–200 (diteng fela). O gakololwa go runa le go tlotlha setlhangwa sa gago diphoso.

2.1 LEKWALO LA BOTSALANO

O dirile kopo ya go tsena kwa yunibesithing ngwaga e e tlang mme o sa tswa go amogela karabo ya gore o amogetswe. Kwalela tsala ya gago o mo itsise ka ga dikgang tse di go itumedisitseng tse, gore o ya go ithutela eng le gore o ikaeletse go itshola jang.

[25]**2.2 MAIKAO (LOKWALOIKITSISO) LE LEKWALOPHELEGETSO**

O bone papatso, e e fa tlase ya phatlhatiro mo inthaneteng mme o na le kgatlhego ya go kopa tiro eo. Buisa papatso e e fa tlase mme morago o kwale maikao (lokwaloikitsiso) le lekwalophelegetso gore o tle o di romele go kopa tiro eo.

BOKAMOSO TRADING
<p>Setlamo sa metseletsele ya mabenkele a Bokamoso Trading se na le phatlhatiro ya moamogelamadi mo lebenkeleng la bona le le kwa toropong ya Warrenton kwa porofenseng ya Kapabokone. Bakopatiro ba bo ba falotse mophato wa marematlou o o tsenyeleditseng dirutwa tsa Accounting, Setswana le Seesemane/Seaforikanse.</p> <p>Bakopatiro ba, ba nne le maitemogelo a dingwaga di le pedi ba dira ka madi. Maikao, lekwalophelegetso, dikgatiso tse di netefaditsweng tsa dithutego, lokwaloitshupo le dintlha tsa basupi ba le 2 di romelwe kwa go:</p> <p>Mokaedimogolo Bokamoso Trading Lebokoso la Poso 714 JOHANNESBURG 2000</p> <p>Letlha la tswalelo ya dikopo ke la 31 Seetebosigo 2021. Dikopo tse di tlang morago ga letlha la tswalelo ga di kitla di amogelwa.</p> <p>TLHOKOMELA: Go tlaa lelediwa fela bakopatiro ba ba tlhophilweng go tla potsotherisanong.</p>

[E itlhametswe]

[25]**2.3 PEGELO**

O moeteledipele wa Mokgatlho wa Bašwa mo masepaleng wa lona. Rratoropo o go kopile go batlisisa ka ga ditlhokego tsa motse. Kwala pegelo ka ga dipatlisiso tseo. Gakologelwa go tlhagisa diphitlhelole le dikatlanegiso.

[25]

2.4 **ATHIKELE YA MAKASINE**

Sekolo sa lona se ne se tshwere tiro ya go abela batho ba ba dikobo dikhutshwane diaparo le dijo. Kwala athikele ya makasine o thadise ka ga ditiragalo tsa letsatsi leo.

[25]2.5 **PUO**

O fentse sekgele sa mokwadi yo mošwa mme wa bona mpho ya go tsenela moletlo wa dikabo tsa bokwadi ba bagolo ba dibuka kwa Motsekapa. O ya go direlwa moletlo wa kamogelo le kakgolo kwa sekolong. Kwala puo e o tlaa e neelang barutwana ba sekolo sa lona ka ga thotloetso le kemonokeng e o e boneng mo bokwading. Ba rotloetse go kwala le go tsenela dikgaisano tsa bokwadi.



[Se nopotswe go tswa mo inthaneteng]

[25]2.6 **POTSOTHERISANO**

Tonakgolo ya Lefapha la Thuto o itsesitse gore dikolo di tlaa emisa go tsena ka go refosana fa ngwaga o simologa. Mogokgo o ne a kopa gore o tsenele potsotherisano le tlhogo ya sedika sa sekolo sa lona, mabapi le dithulaganyo tse di dirilweng ke sekolo go efoga go anama ga COVID-19 le go itshireletsa kगतलhanong le yona. Kwala potsotherisano e e nnileng gona magareng ga gago le tlhogo ya sedika.

[25]

PALOGOTLHE YA KAROLO YA B:
PALOGOTLHE YA TLHATLHOBO:

50
100